

8. Agus chual' iad guth an Tighearna Dé ag imeachd ^a 'sa' gharadh am fionn-fhuaireachd an là: agus dh'fholaich Adhamh agus a bhean iad féin o ghnùis an Tighearna Dé am meafg chraobh a' ghàraidh.

9 Agus dh'èigh ^b an Tighearna Dia air Adhamh, agus thubhairt e ris, C'ait' am bheil thu?

10 Agus thubhairt e, Chuala mi do ghuth 'fa' gharadh, agus bha eagal orm a chionn gu'n robh mi lom-nochd ^c, agus dh'fholaich mi mi féin.

11 Agus thubhairt e, Cò dh'in-nis dhuit gu'n robh thu lom-nochd? An d'ith thu do'n chraoibh, a dh'aithean mise dhuit gun itheadh dhith?

12 Agus thubhairt an duine, A' bhean a thug thu gu bhi maille rium, thug ise dhamh do'n chraoibh, agus dh'ith mi.

13 Agus thubhairt an Tighearna Dia ris a' mhnaoi, Ciod e so a rinn thu ^d? agus thubhairt a' bhean, Mheall an nathair mi, agus dh'itir mi.

14 Agus thubhairt an Tighearna Dia ris an nathair, A chionn gu'n d' rinn thu so, *tha* thu mallaichte *thar* gach ainmhidh ^e, agus *thar* uile bheathaiche na machrach: air do bhroinn imichidh tu, agus duflach ^f ithidh tu uile lài ^g do bheatha.

15 Agus cuiridh mi naimhdeas eadar thus' agus a' bhean, agus eadar do shiols' agus a siol-sa: bruthaidh efan ^h do cheann, agus bruthaidh tufa a fhàil-fan.

16 Ris a' mhnaoi thubhairt e Meudaichidh mi gu mòr do dhoilgheas agus do thoirrcheas; am pein beiridh tu clann, agus re t'fhear bithidh do thogradh ⁱ, agus bithidh uachdranachd aige ort ^j.

17 Agus re h-Adhamh thubhairt e, Do bhri' gu'n d'èisd thu re guth do mhna; agus gu'n d'ith thu do'n chraoibh a dh'aithean mise dhuit, ag ràdh, Cha'n ith thu dhith, *tha*'n talamh mallaicht' air do shon; ann an doilgheas ithidh tu dheth uile lài do bheatha.

18 Agus droighionn agus cluairin ^k bheir e mach dhuit, agus ithidh tu luibh na machrach.

19 Am fallus ^l do ghnùis' ithidh tu aran, gus am pill thu dh'ionnfuidh na talmhainn ^m; oir aifde thugadh thu: oir *is* duflach thu, agus gu duflach pillidh tu.

20 Agus thug Adhamh Eubha mar ainm air a mhnaoi, do bhri' gu'm bi màthair nan uile bheo i.

21 Agus rinn an Tighearna Dia do Adhamh agus d'a mhnaoi, còtaichean croicinn, agus chòmhaich e iad ⁿ.

22 Agus thubhairt an Tighearna Dia, Feuch, a ta'n duine air fàs mar aon dhinn *féin*, fìofrach air math agus olc. Agus anis an t-eagal gu'n sìneadh e mach a làmh, agus gu'n gabhadh e mar an ceudna do chraoibh na beatha, agus gu'n itheadh e, agus gu'm biodh e beo gu sìorruidh:

23 Air an aobhar sin chuir an Tighearna Dia a mach e a garadh Edein a shaoithreachadh na talmhainn, as an d'thugadh e.

24 Agus dh'fhògair e mach an duine;

^a a' spaisdeireachd, a' fràid-imeachd. ^b ghoir, ghairm, ghlaodh. ^c a chionn mi bhi rùisgte. ^d Go dé so a rinn thu? ^e spréidh. ^f ùir. ^g làethe, lathachan. ^h e-fan, eisean. ⁱ iartus. ^j os do chionn. ^k oighionnach; foghannain. *Eir.* ^l follus. ^m ùire. ⁿ dh'eudaich e iad, chuir e truagan orra.